

衡陽縣志卷之十六

沔陽李光笈

知縣事昌樂閣肇煥纂修

仁和嚴煥

蠲政

損下益上則為損損上益下則為益蠲政益之在民者也伏惟

聖朝如天之仁海內窮簷無一夫不被澤矣偶遇荒歉發帑賑卹外惟正之供亦行寬免誠千古未有之曠典也又復設普濟堂以收養無告之民盡人樂生猶有

衡陽縣志卷之十六

蠲政

不得其所者乎

元

成宗大德三年衡州旱詔免酒課夏稅○七年以轉輸軍餉勞免潭衡等路稅糧一半○九年潭衡諸郡饑減值糶糧

仁宗延祐元年六月衡州路饑發廩減價賑糶有差八月賑糶米

文宗至順二年衡州路饑賑糧米萬石○五年衡州路饑賑糶米五千石

明

成化二十二年以旱免秋糧

正德五年詔免正德二年分逋稅○十五年以災傷免稅糧詔發本省例銀兩及預備倉穀賑濟

萬歷十七年以災傷蠲秋糧有差仍命發預備倉粟賑之

天啟元年九月免災傷田租

崇禎十三年減田租○十五年蠲舊欠秋糧

皇清

順治四年十月奉查兵馬殘破地方凡有闕地荒蕪未經耕種者許有司官冊報准與豁免徵實至六年

衡陽縣志

卷之十六

蠲政

二

兵巡道張兆熙報免衡邑荒糧四萬餘石○十年四月奉查衡永等府六七八九等年舊欠果係在民悉與蠲免○十七年七月奉查蠲順治十二年至十五年錢糧之實欠在民者

康熙元年蠲免旱災糧餉十分之二○四年因星變地震晝晦諸災蠲順治十六年至十八年錢糧之實欠在民者是年督部院張長庚因供應進勦西山之役疏爲楚民之元氣盡傷等事奉蠲本年分糧餉十分之一又因督撫會報旱災奉蠲本年分錢糧十分之三○九年巡撫盧震奏免捏墾地糧並新荒地糧

○十年因旱蠲免地畝人丁錢糧十分之三。○十三年因旱照受災輕重蠲免。○十四年動支往年積穀賑卹飢民。○十五年因水災照被災分數分別蠲免地丁錢糧動支積穀賑飢。○十八年因旱照被災分數蠲免地丁錢糧其驢脚南糧亦照分數蠲免。○二十年因吳逆踞衡田地荒蕪奉文蠲免新穀荒糧一萬七千三百石又蠲免合邑下半年起解正餉。○二十一年蠲免合邑上半年起解正餉。○二十三年因旱蠲免漕米三分之一。○二十四年因旱民欠錢糧概行蠲免。○二十五年因旱各項錢糧皆免一半。

衡陽縣志

卷之十六

蠲改

三

二十六年蠲免一年起解正餉。○二十八年蠲免地丁驢脚南米十分之三。是年奉文卹養老人八十以上共一百一人九十以上五人共給絹帛銀一百五十兩九錢六分。○二十九年因旱蠲免上半年錢糧。○三十一年蠲免湖廣漕糧衡邑共免米一萬九千九百八十六石九斗六升。○三十四年合邑積欠糧概行豁免。○三十九年蠲免合邑地丁正雜民賦共銀四萬七千四百二十一兩二錢零屯賦六千三百九兩三錢七分零。○四十二年奉文卹養老人八十以上共二百四十八人給絹帛銀三百三十七兩二

錢八分是年大旱知縣陳大音報巡撫趙申喬請免
被災地方民餉銀六百九十九兩零屯餉銀六兩七
錢六分零○四十三年巡撫趙申喬請發常平倉穀
賑濟大口人四斗小口人一斗五升共賑濟穀四千
四百二十石零並蠲免地丁正雜錢糧○四十五年
蠲免地丁正雜銀兩○五十年輸免天下錢糧衡陽
值年蠲免因水災勘報減民額糧三百五十一石二
斗零民餉銀二百九十兩零屯額糧五石六斗零屯
餉銀二兩九錢九分零○五十二年
災減糶倉
穀又動庫銀五百兩分給被淹各家又發庫銀四百

衡陽縣志

卷之十六

蠲政

四

七十八兩零買米三百九十二石裝運被水地方散
給○六十一年奉

詔年七十以上許一子侍養免其雜差八十以上給與絹
帛米肉有差

雍正元年奉

詔婦女年七十至九十者給與絹布米有差○十三年九
月奉文卹養老人九十以上一人八十以上五十七
人給絹帛米肉銀有差十一月又奉

詔婦女年七十以上給與絹布米有差

乾隆十一年奉

旨輸免天下錢糧衡陽正值通行蠲免之歲○十六年賜
八十九十老人絹帛米肉有差○十七年奉文卹養
老人九十以上十二人八十以上八十一人給絹帛
米肉有差○二十六年奉文卹養老人九十以上四
人八十以上三十三人給絹帛米肉銀有差○三十
一年奉文分年普免各省漕糧至三十三年衡陽正
值輸免之歲○三十四年因進勦緬匪兵行經過地
方蠲免本年地丁錢糧十分之三○三十五年

皇上六旬

皇太后八旬萬壽蠲免本年地丁錢糧其加一耗羨緩至次

衡陽縣志

卷之十六

蠲政

五

年帶徵○四十四年蠲免地丁錢糧○四十七年奉
文輸免五十年漕糧因河朔水大改作本年蠲免○
五十五年奉文輸免五十七年錢糧○五十九年奉
上諭六十年卽位週甲之期普免各省漕糧嘉慶元年衡
陽正值輸免之歲○六十年普免天下錢糧積欠因
湖南向係年清年款減免嘉慶元年正賦十分之二
嘉慶元年因賊匪滋擾之後本年漕糧緩作三年帶
徵○二年蠲免本年錢糧○六年沅水大漲沿河被
沙淤塞民田一千一百零八畝奉文每畝給開復工
本銀二錢共給過銀二百二十一兩六錢沖塌瓦房

一千三百二十四間每間給銀五錢共給過銀六百六十二兩草房一千五百零六間每間給銀三錢共給過銀四百五十一兩八錢給淹斃貧民殮費大男婦三名口每日銀一兩小女一口給銀五錢總共給過銀一千三百三十八兩九錢○十四年欽奉

恩詔軍民七十以上者許一丁侍養免其雜派差役八十以上者賞卹絹一疋綿一斤米一石肉十斤衡陽呈報八十以上者共七十七名○二十四年欽奉

恩詔內開 一直省有坍沒田地其虛糧仍相沿追納者該地方官查明咨部奏請豁免○一從前各省偏災

衡陽縣志

卷之十六

蠲政

六

地方所有借給貧民籽種口糧牛具等項查明實係力不能完者著予豁免○一軍民年七十以上者許一丁侍養免其雜派差役八十以上者給與絹一疋綿一斤米一石肉十斤九十以上者倍之○一各處養濟院所有鰥寡孤獨及殘疾無告之人有司畱心以時養贍毋致失所

官民賑濟

附

明

萬歷庚辰歲饑穀價騰貴知府李燾令輸粟者如例
榮以冠帶衡陽民劉繼莘輸粟二百餘石額其門曰
興仁予之冠帶

天啟四年巡道周士昌施粥濟飢

皇清

順治十四年兵巡道張兆巖施粥賑飢

康熙四十五年知縣張廷相自六月至七月在西湖
寺太平寺施藥療疫○五十五年知縣高清自十二

衡陽縣志

卷之十六

蠲政

七

月至次年三月捐俸於西湖寺施粥賑飢○五十七
年知縣高清副將胡有亮自五月至九月在賓日門
施藥療疫

雍正五年監生譚開仞倡捐五月六月在花藥寺施
粥賑飢約費一千二百餘兩守道徐聚倫嘉其事議
旌之譚力辭

乾隆十七年因先年旱歉知縣德貴倡義施粥捐養
廉銀八百兩同城官各有捐施率紳士商民於城南
花藥寺設厰厰中經理紳士趙燕趙煦羅士望劉堯
策周世昌熊勤三劉天柱馬延齡唐宗禮許學仕李

鴻蕭萬寧張際軒左修業陳禮家曹啟煒黃坤章伍朝瑞張時玫閻政郊洪璧張際成劉文森譚開泰分天地元黃字號每六人五日輪替外耆民曹士龍黃文昌始終經理逐日煮粥分別男女次第散給自三月初八至六月十五約費銀一萬七百八十兩零又西鄉面湖涵生員王紀王韜監生王綱王命於本鄉施粥約費銀一千二百兩有奇事竣詳報具題奉旨捐銀六百兩八百兩之貢生趙燕張時玫議敘捐銀三百兩以上之貢生周世昌監生王綱等巡撫給匾其不及三百兩至三十兩以上者分別捐數司道府縣

以次給匾其三十兩以下者概准勒碑一體旌獎○四十四年因先年旱歉前府黃樹棠率衡清兩縣及各紳士捐貲設廠煮粥賑濟經歷張應桐每日按名散給均勻全活無算

普濟堂附

乾隆三十三年奉文設立育嬰堂在北門內阿耨林其堂屋係僧顯微所捐嗣因所捐田畝租息無幾經費不敷難以舉行乾隆四十年前府玉德詳請改棲流所收養老幼殘廢無告孤貧將此項所捐田畝歷年所存租息另置屋宇經前縣陳篤會同清泉縣陳三恪置買小西門外地名瓦子坪謝姓屋宇基地添造房屋爲孤貧棲身之所自乾隆四十年十二月初一日收養起支給口糧所有僧顯微原捐北門內阿耨林房屋仍行給還乾隆四十二年奉藩憲札飭將

棲流所字樣改爲普濟堂名目收養貧民每名日給口糧米四合鹽菜錢二文半每年正二十一十二四個月大口給米八合鹽菜錢五文小口照大口減半給米四合鹽菜錢二文半餘月俱照小口給發迨後收養漸多續未捐資難以籌辦定以三十七名爲率內除丐頭二名卽令在所置瓦子坪空隙基地栽種活生外孤貧三十五名均係大口遇有病故隨時頂補因佃租不敷支用歷係各前縣捐給至前縣徐德潛將每年所收租錢四十三千八百一十二文按名均勻給發並於每年冬臘正三個月分外捐給錢文

乾隆三十四年衡陽貢生馮蒂培捐地名石鼓塘田
十三畝八分五釐每年納市斗租穀三十一石九斗
坐落二十一都九區共糧七斗六升內墾糧一斗六
升更庄育嬰堂佃民趙萬瓊趙萬選認納租穀每石
定價折錢五百文內除完餉等項共錢一千六百二
十文每年實收錢九千三百三十文

乾隆三十四年衡陽生員楊奇懷捐地名秧坵塘田
六畝七分每年納市斗租穀十石坐落二十都七區
熟糧三斗五升更庄育嬰堂佃民馮繼檉認納租穀
每石額定折錢五百文內除完餉等項共錢六百七

十文每年實收錢四千三百三十文

乾隆三十四年清泉民宋仕則捐地名石砌灣田五
畝三分納制斛穀五石五斗折市斗穀四石四斗坐
落清泉南二區屯熟糧三斗一升二合庄名宋伏沖
佃名宋仕則認納租穀每石額定折錢五百文共折
錢二千二百文除完正餉外每年實收錢一千八百
八十文

乾隆三十四年前府宋銑撥常寧民陳希先與胡添
爵互爭縣境普濟庵施主案內庵田十三畝五分坐
落八缺九旗庄名宋受每年收租內除一石完餉外

餘十二石五斗歸入育嬰堂今撥普濟堂佃名李惟美認納租穀每石額折錢四百文共折錢五千文乾隆三十六年清泉監生蔣魁羣捐地名陳家塘田二十一畝六分五釐納制斛穀三十石折市斗穀二十四石坐落二十六都三區熟糧九斗三升庄名蔣魁羣佃民蔣錫三認納租穀每石折錢五百文共錢十二千文內除完餉等項共錢二千一百二十八文每年實收錢九千八百七十二文

乾隆四十一年清泉貢生張際軒捐田三十畝零八分坐落衡山縣孔字號每年納市斗租穀三十一石佃民趙雲才認納租穀每石折錢五百文除完南漕正折等項共錢二千一百文每年實收錢十三千四百文以上先後共捐田九十一畝八分四釐年納租穀一百零四石八斗內除完漕折正餉等項外無論時值貴賤年歲豐歉每年共折租錢四十三千八百一十二文

嘉慶十九年十月前縣徐德潛以陳士瓊控朱登雲案內錢一百六十千文追繳入官充公詳奉前府黃洽批准捐入普濟堂添作孤貧經費發給兩盆捷成義達三典具領生息每年收利息錢十二千八百文

以嘉慶七年十月十五日起息核計每年所收折
租與息共錢五十六千六百一十二文